

乾 隆 戊 申 鑄

大 大 大
中 制 文
丞 憲 宗

鑒 定

青 浦 縣 志

尊 經 閣 藏 版

重修青浦縣志序

國有史邑有志家有譜三者並立志實兼之顧史紀疆域
挈要領而已志則討論沿革於徵信難譜載世系稱美善
而已志則研辨虛附於書實難非邑之賢士大夫精考覈
崇風義不克以成書苟成矣或陋且誣亦遞相糾摘終未
足示遠甚矣善志之難也青浦置縣自明嘉靖二十一年
割華亭西北二鄉始旋廢萬歷元年復置嗣又割華亭集
賢鄉上海新江鄉以實之

國朝雍正二年以地廣賦繁分置福泉縣乾隆八年仍併
爲一此立縣之大凡也舊志創於王學使洪洲續於諸進
士乾一今且百餘年矣典制之增新人物之繼起著述之
留遺與夫耆宿之旁叅互訂久且散佚無統甄而錄之是
固有待乾隆四十六年今方伯述庵王公以

青浦縣志

一

閔序

中禁儒臣擅制作手居憂里門躬任其事又擇同志十八
人分類纂輯例密義嚴因地以繫人因人以繫事勿猥勿
併有脊有倫凡舊志之舛者正之缺者補之越五年而書
始成洵乎稱善志焉余嘗以爲風教之興良有司訓迪之
尤賴邑之賢士大夫倡導之蓋邑有賢士大夫其文章政
績固已望隆朝野退而里居則言論風采服食禮節子弟
相與欽承人士相與矜式耳孺目染化于不知考之周禮

凡祭於學賓於射飲皆此志也暨乎後代聲名盛而標榜
興君子不取焉青浦洵當明季政繁賦重民生瘁矣
聖朝重熙累洽我

皇上闔澤叠頒除濫去苛興利剔弊今歷其地廓開櫛比
膏壤繡錯九峰三泖鍾毓秀靈人文蔚起闕闕相望至如
星機雲鋪弋澤綸川粟帛之所委輸工賈之所輻輳殷然
若都會焉良有司旣富而教可不知所自歟方伯公之輯
是志也首列王西亭文獻私議以黜濫冒於正人心維世
教最爲深切一掃撰志家積弊田賦水利討核尤詳而惟
以崇節儉屏侈靡爲善風俗至計此書洵定爲家譜之標
青浦縣志
二
閱序
準而備

國史採擇矣抑嘗論之民生當勤本業士習貴飭廉隅本
業之不勤或至惰游縱誕廉隅之不飭甚且干義逾分誠
令一邑中人人知勤本業飭廉隅於以保身家顯祖父祇
承

聖治而登康樂和親安平之書尤所厚望者茲桐峯孫君
爲濠梁名選拔遷職是邑加以修纂益復精詳余喜其書
成授梓因綜大旨言之質諸方伯公以爲何如也

賜進士出身兵部侍郎兼都察院右副都御史巡撫江蘇
等處地方提督軍務糧餉加三級歸安峙庭閔鶚元撰

重修青浦志後序

州縣之有志以備史也古來國史之作從數百年後敘數百年以上之人從數千里外紀其本境之事是以孤離而不合好學深思者往往有糾繆攷異之譏至於州縣志率數十年一修遺民故老及見前輩之流風餘韻不至傳聞失實又一州縣之境遠者數百里近者乃一二百里兒童婦女皆能道之其編葺之也尸以鄉人知人而論世當名而辨物得於耳目所及故作史者必考之志志而不詳且實文獻於何徵焉若夫志青浦之志有難言者縣設於萬歷元年舊屬華亭上海兩縣境前爲兩縣地後爲青浦地

青浦縣志

一

王序

人與事之屬於地者不可弗志也度其屬於地而人與事無可據者弗能志也元明以來士大夫間有紀載而未嘗分茅設蒞指爲某地又弗能採也採錄寡則幾於陋附會多則失於誣於是而欲犁然燦然成一縣之文獻以缺良史之採豈不尤難哉乾隆辛丑予居憂歸里適四川楊君卓知縣事以志之不修且百年矣與邑之人士奮然議葺之屬予總其事又擇同志十八人相與薈萃諸書網羅遺佚自正史而下稗官叢說逮於詩文諸集凡邑之典故著者錄之缺佚者疏通而證明之未及成而予有按察秦中之

命攜至官署續加考證迄乙巳冬日始錄成書嗟夫邑志之修初於王學使洪洲續于諸進士乾一予無似豈足以繼其後然是志之成邑之人與事無不備也人與事之屬於邑者無不有徵也至民生之瘠薄婦子之勤苦有明以來賦稅徵徭之繁重尤必兢兢焉載之以眎後之司牧者良史有作或者將徵信於此也夫乾隆丙午孟春賜進士出身陝西按察使邑人王昶書

重修青浦縣志序

乾隆五十年冬奉

命簡發來江次年板委提調書局
閔青志乃修自康熙之已酉年不
繁喟然謂青熟文野之邦何以百
餘載任其闕焉希備也越歲丁未
承乏斯土甫入彊試多士於書院

詢以邑系尋和對曰書志久修久
矣鄉大夫述庵王方伯纂葺五載
而未之梓也余又思梓曰是司土之責
也毅然肩厥任捐瘡倡之各紳士
亦踴躍從之不以旬貯千金乃以
公事暫集庶之五十三年夏五
始得綜核之書一燈燭之考古涉

有按所未定增所未詳以及魯魚
亥豕不憚煩而鉛槧焉四閱月書
成復覽之誅名宥而後授劑劑民
允者四十類三十有二圖二十者
城郭猶是人民已非真廢可由
今者同快載筆者傳信素若作
古與拘文其失外均也

國家同軌同文據版圖者數千里
簡故昭垂遐邇一轍制由奉為雲
間名邑可無善本以紀厥實揚厥
休哉今者峰泚雲環郡城倚錯
居無何生齒日繁戶口有增考人
文蔚起甲第滋盛矣滄桑互變
田賦迭更矣推之兩賜名邑而大

有類書風俗同而仁里相望山
川學亦梵宇橋亭廡不更新
差足以供輜軒之採矣後之守
土者能究心於邑子隨時橋檨
相繼而筆之於書以成信史是
又余之所深望也夫

乾隆戊申秋知青浦縣事濠梁

孫鳳鳴書於三至堂



三

孫序

青浦縣志舊序

自禹貢記山川風物壤賦而志蓋權輿矣嗣是周職方漢地理唐宋州郡若邑靡弗有記言記事之文以辨疆域稽建設存鏡戒志可一日闕哉青浦爲華上二邑析地其始而爲縣也在嘉靖其旣廢而復爲縣也在萬歷縣之初復令爲石侯岱宇先生相攸徙治築城浚隍設學造士制大備矣而志獨闕者束於時也繼石而至如彭如屠如羅如鄧非不蔚然稱循良而志尚闕者狃於故也暨卓侯榮釐先生以八閩大魁來蒞茲土博識雄才銳意興革首詢山川風物壤賦始末左右口噤莫能對動稱掌故漫漶無攷

青浦縣志

一

舊序

證則撫掌太息曰志可一日闕哉而志猶不果葺者百冗劬勩未暇也迨視篆踰期案無留牘庭無滯獄四郊之內政通人和於是始請修志於當路諸公祖而以筆札之役屬不佞且爲加幣授餐焉不佞旣拜受而竊思之青浦者九州之一撮青浦志者鄧林之一葉志惡可繁也然上下數千百禩之人物政蹟之在境內若鉅若細無一可置猶其在九州也志又惡可略也繁失之穢畧失之遺直舉胸臆奚以信後則是所爲大懼也乃再請於侯曰蒐羅放失期於必盡剔抉顯幽期于必真始稱爲志不則猶無志耳於是徵文獻於庠序徵簿牒于六曹徵殘碑斷碣諸佚事

於鄉老隨至隨發不踰時而畢集不佞始得以殫智畢力
撫拾差次爲圖爲志爲表爲傳凡八卷三十二日再脫藁
而成帙遂以請正于陸宗伯先生幸成一邑完書雖不敢
自附于作者而紉衆腋以成裘鳩羣材以構厦往躅遺蹤
庶幾可藉以不泯我侯之嘉惠青邑也功不在千百禩哉
是役也提調總裁則榮麓先生實司之商榷資訂則學博
西山陳君文龍吳陵楊君廷芳其讐校則文學諸君子而
削牘抽毫則不佞與有一日之勞云萬歷丁酉冬十一月
朔旦賜進士出身朝列大夫陝西布政司右叅議前雲南
道監察御史奉勅提督湖廣學政上海王圻撰

青浦縣志

二

舊序

重修青浦縣志舊序

今夫一代之書必以史爲歸而一郡一縣之書則必以志
爲本誠以生民之休戚時會之推遷皆於是乎鏡焉江南
財賦甲天下而蘇松財賦又爲江南最頻年以來水旱相
仍凋困之餘凡承

命而至者惟慮難於報績况松郡地濱海青邑又僻處一
隅望皆斥鹵每當霜高水落時田間蘆葦如雪村墟岑寂
比比皆是也余嘗巡行至其境未嘗不爲之喟然興嘆嗟
乎人盡我民也忍使其流離載道若此乎爾有司方將理
催科謀撫字解衣推食之不給更何暇取軼事而新之以

取信于當時後代乎乃閩中魏球來任茲土獨能于聽政之餘進邑之賢者而與商榷今古考求得失其人之大概亦已見一斑矣余攷青浦縣治創自萬歷初年嗣後二十年而卓君鈿始葺邑乘條分縷析頗有足觀而其間山川之形勢分野之躔度壇壝倉廩關梁第宅之創修與夫兵防之所宜慎水利之所宜詳畜牧之所宜辨忠孝節義人物之大且重者莫不燦然可紀也由今溯之又七十有餘年棗梨淪棄而殘編斷簡幾難成帙將使利弊不可得而知賦役不可得而問戶口不可得而推風俗不可得而考是不但當事者之責抑亦省方問俗者之所深爲慨然不

青浦縣志

三

舊序

置者已今青浦縣志綜理既成卽以序言爲請夫興廢葺新余所樂聞近以闡務紛冗文成草創我

朝廷右文致治責儒臣以纂修之職購遺書考圖載則雖一郡一縣之書或亦史閣之所問及而借觀焉者也康熙八年巡撫江寧等處地方工部尚書都察院右副都御史總理糧儲河中韓世琦撰

自先王畫井分疆後代相承或爲郡或爲縣沿革不同者抑因時以制宜也故有昔爲瘠區而今爲沃壤者有昔爲沃壤而今爲瘠區者有昔爲荒遠而治之不嫌畧今隸內服而治之宜加詳者按三吳皆古揚州地其載之禹貢不

過曰三江旣入震澤底定而田則列之天下賦則列之下上其治之也簡而約其取之也薄而輕當其時利盡南海富甲天下若惟金三品羽毛齒革地產非不甚饒然聖人終不敢恃山海之藏以爲已有而兢兢以田賦爲重紀土性則曰塗泥紀貢道則曰沿于江海達於淮泗是未嘗以沃壤視揚州而重恤此一方民意至深遠也又按周官職方九州俱有山有川有澤而揚之山曰會稽川曰三江澤曰具區是三者蓋統揚州數千里之地而言吳越閩廣悉共此也今考惟會稽之山在越而三江之爲川具區之爲澤合浙西諸郡之水及吳東西各郡之水悉注於太湖其青浦縣志

四

舊序

流分衍爲三江以入海是川澤瀾漫之患吳當之爲最劇矣吳諸郡皆環江湖以居而松郡獨當其下流則松之被患爲尤劇矣今青浦之爲邑又居松郡之最下而當吳淞泖澱之合衝其被患視諸縣又爲尤劇矣夫松古未嘗立郡唐隸吳郡晉隸秀州元至正間雖立府而仍屬之嘉興路是松江之爲府尚無專設又何有青浦之爲縣耶若青浦地在秦爲由拳爲長水今陷爲谷旣荒忽莫稽惟是華亭西北境地至遼濶自割華亭爲上海其西境青龍大盈間又地多荒稅多逋明正德中郡守喻公議分設鎮治不果行後嘉靖中允巡按御史舒汀奏始割華亭西北二鄉

上海西三鄉立青浦縣於青龍鎮至萬曆元年郡人給諫
蔡公汝賢始奏移治唐行鎮初建城池則在縣令石侯繼
芳時請益以華亭集賢鄉上海新江鄉未盡地則在縣令
屠侯隆時此青浦近代興荆之由也一青浦地古制之何
太畧今制之何太詳然畧者非真畧畧於治地正詳於治
水若三江之入入則無不入矣震澤之定定則無不定矣
水之患去而後其土爲民之土民爲吾之民則壤成賦經
理可施此其治之似畧而實詳者固有然也今則治之似
詳而實多畧三江之流久失其故道而泖澱之浸半屬江
泖上源苦泥滓之積而停蓄者不深下流苦潮沙之壅而
青浦縣志

之最下故思興其利而除其害倍亟於他邑乃今之捧檄而來者所重在催科其於利所宜興害所宜除雖典故猶存一切因循而不暇問民生其間苟延旦夕鹵莽而耕旱則憂赤土潦則虞望洋卽偶一逢年場稼未登而吏呼已及其門矣或積逋併徵或旁孔百出勢不能支欲民之不爲逃土之不爲荒也得乎夫爲之民者旣惴惴有不終日之憂而爲之吏者又以催科之拙考成莫副脫驂未幾引文法而繩者切切而議其後吏與民初未嘗深習而已相繼報罷矣如此而欲盡心于撫字又何可得也考雲間諸邑自東吳迄乎近代賢人君子輩出其間在朝則爲名臣

在野則爲修士立功則垂偉烈立言則著鴻辭以及巖谷清流閨房秀質足光史冊者纍纍不絕皆九峯三泖之英所儲而鍾也庸今遂不古若哉夫民安鄉而後可以重家遂生而後可以興教安在瘠土之不可爲沃壤哉是在長人者加之意而已絃督輓於吳往來其土者八年於茲矣蓋灼信其有然而閩人魏君球來令青邑循良爲政民甚安之惜其爲治不終且將解組去尤亟亟集邑紳衿之賢者修葺舊志發凡起例井然有條志成而以序屬絃意良苦矣絃曩序郡志其於茲方疾苦已引其端今序茲志更暢其說抑以發明魏君未竟之志也康熙八年孟秋督理

蘇松常鎮糧儲分管漕務兼巡視漕河江南布政使司左
叅政加六級楚南盧紘書於金閫舟次

國有史繼六經之源流也家有譜垂百世之本支也郡縣
可無志乎予以芝水庸流年來有志四方向遊西粵爲邕
州長山川人物之秀猶曰偏方僻壤無所矜著作之奇也
今復鳧泛青谿名邦鉅地所見所聞斐然斌雅司一邑者
紀一邑之事則縣之志可勿詳乎惟度德量力不敢居於
作者之林而述往開來竊有志焉而未逮也下車伊始觀
民設教旣地狹而人貧又土磽而賦重爲政者其難之獨
其俗近醇謹民情可見君子讀書懷古小人慕義急公猶

見三代之遺焉考古斯以知今守先於焉待後予是以百
務未舉而輒有纂修邑乘之役搜括曩編則創於我里卓
先生爲宰之年以世經鼎革兵燹之餘散失無全爰爲多
方採訪間獲遺帙一二集邑之名公士大夫攷較而論定
之觀天文則南斗牽牛下流淮海而邑居澤國上應天
宮九繞斗烝之輝此雲漢爲昭而忠孝節義羣英所以彙
萃歟按其地利則枕江峙嶽曠野平疇九峯三泖之勝環
列境中川岳所鍾地靈人傑宜其歌絃戶韻而珂戟家榮
也青浦之興其在斯乎然而青浦夙未有縣名也禹貢爲
揚州域春秋以後爲吳爲越爲楚變革靡常秦并浙而置

吳郡厥縣爲由拳爲長水寢陌爲谷事遠而難稽矣且其時松未立府唐隸吳郡晉隸秀州元立府而仍屬嘉興路是府制未定而易以有縣歷元而明世易法移乃有分設鎮治之議絕此補彼首華亭以次上海而青浦則割華上餘壤以及之初鎮青龍旣鎮唐行前後移治而縣治亦未定迨後復割華上餘壤之未盡者以益之城池以設疆界以分改鎮爲縣蓋自明萬歷之元年始也郡之守喻公存其意而未行郡之守蔡公繼之行而尚略惟縣之尹石公屠公先後相與有成而縣之制乃定則青浦之興也數君子與有力而石屠二尹之功居多焉嗣是而地漸廣人愈

殷親賢樂利於茲未越百年而生聚教訓何若斯其速也哉擴其地可集民而居也得其民可聽官而治也官者民之父母而民者官之赤子父慈子孝交感而成故昔之官斯地者類多循良考成報最比肩而接踵焉相沿以暨於今民未易地而生也官未別民而治也何以民慮蜚鴻官憂傳舍古今人之風馬牛不相及耶豈昔之民易治而今之民難治耶抑昔之官可爲而今之官不可爲耶夫寒暑迭更榮枯遞變桑田滄海之平陂往復蓋亦理數之自然而時勢之難盡者今之時爲何如乎謂民玩而不知法也道利用嚴而今之人亦有或失之嚴者子則以治民猶治

繩殆欲以寬理之而不能謂民狎而不知恩歟道利用猛而今之人亦有或失之猛者予則以保民如保子殆欲以慈撫之而不能論政者曰寬以濟猛猛以濟寬昔之人有行之者予豈能以鳴琴舞羽之風可重觀之今日乎予豈能以坐石鞭蒲之化可遠倣於古人乎予豈能以讀法講禮事賢友仁之治可復優優敷政臻斯世于神農虞夏之隆乎心之所期而力莫副焉力之所至而時又違焉若是者難治而官不可爲矧三宜之休與四遷之寵則時之進退異也七年之平鄉與五日之京兆則時之久速殊也貝錦之漸成與鐵船之可渡則時之常變不測而屈伸難推也上之不能爲

朝廷効一得之司次之不能爲百姓永百里之障而乃以身日竭政拙徒窮撫字催科之究不能以並行也若是者始無功而官可以去此郡之當事所爲刻意吹求從而議也嗟乎時實爲之謂之何哉今而後負所學而負斯責子深有以自憾矣而曷以復當此林林蒸庶猶留連嘆息而若不忍負予者其亦俗近醇謹而有三代之遺也哉憶予入政以來碌碌二春秋矣利未盡興弊未盡除無所短長之數已見於此而乃以時將解組尤亟亟于縣志之修拾遺補闕終其事而告厥成焉不亦迂而不達于時者